

106 年全國語文競賽客家語朗讀文章國小學生組（四縣腔）

編號 2 號

【庫奇¹】徐姿華原作

從細就當惜狗仔，毋過自家屋下無畜狗仔，使致到恁仔，旨讀書該下，無論鄰舍畜个狗仔，抑係路脣个生份狗，做下會同佢兜當做好朋友，路頭路尾堵著就會跔等同佢兜講話、同佢兜共下寮歸下晝。

六歲該年，阿姆看恁惜狗仔，就同朋友討一隻細狗仔轉來畜，交代同阿姊愛好好照顧佢，愛餵佢、愛帶佢去屙屎屙尿。該暗晡，歡喜到睡毋得，趕阿爸阿姆睡忒，偷偷仔走去廳下看細狗仔，同佢寮、捕等細狗仔在膨凳頂睡忒。第二日打早，阿姆看著同狗仔共下睡，又好譴又好笑，無結無煞。

這隻狗仔个名安到「庫奇」，厥个毛短短、黃黃，目珠圓圓圓、烏烏烏、挨挨轉，異得人惜；佢當乖也當聽話，像講：阿爸阿姆愛去上班該下，佢會送佢兜到大門口，尾緊拂，當像係同佢兜講「再會」、「再會」。同阿姊放學轉來，庫奇也會在門口迎接兜，一看著兜，佢會暢到緊跳緊躍。該央時，還係一年生，有幾下擺，硬硬會分佢躍橫忒去呢！庫奇當得人惜，毋過有時又當

會搥射人，佢輒輒同阿爸个皮鞋擊去園，害阿爸朝晨頭尋無鞋好著，上班險險會赴毋著。下把仔，兜愛出去遶寮，無好帶佢共下去个時節，佢也會 ng ng 滾，像在該討愛跔，害兜真毋盼得，歸日心肝頭還掛吊等。

庫奇就像係吾屋下人，逐儕就異惜佢，佢也異好淨俐，兜禮拜日會同庫奇洗身，佢逐擺會企好好分兜洗，毋會儘採停動，洗好身佢會歡喜到緊拂尾，還過會舐兜个手，當像在該講「恁仔細」、「恁仔細」。庫奇還當好運動，臨暗仔，同阿姊會帶佢行去伯公下拜喏，逐擺庫奇總係走當遽，緊走緊鼻路脣个草，有時還會頓恬來屙尿，阿姊講：「該係狗仔在該『佔地盤』啦！」實在還生趣喔！

讀四年生該年避暑，有一日打早，還在該睡，庫奇用厥个腳爪緊蹶吾个間門，打開門看著庫奇睡在地泥頂，嘴角啞波、舌嫵西出來、還緊啟大氣，當艱苦个樣仔。著驚一下，遽遽喊阿爸來看，阿爸講：「啊！壞蹄哩！怕係中毒哩！」，遽遽就同庫奇送去動物醫院，醫生急救過後，還係無法度同庫奇救轉來。

同阿姊聽啊著就嗽出聲，阿爸同阿姆也艱苦到頭犁犁，緊搾目汁。

到這下，見想著庫奇，就會心肝頭撈撈、喉嚨頭硬硬，實在當毋盼得，愛感謝庫奇，佢係吾个細人伴，陪伴吾个童年，也係盡難忘个好朋友！

¹ 庫起：音 ku` ki^；大埔腔發音，小狗名。